

條例備考卷之二目錄

禮部

漢軍文庫

訪求曾子子孫

限立孔子牌位 二

分別用年職掌 三

鄉試不用京官主考 四

瑞兔賀賀 五

查禁致死非正命 六

鄉賢名宦 七

文體務實 八

宗室 九

解額取士 十

添設衛學 十一

禁詭異巾服 十二

官員服色 十三

糾道學邪僻 十四

文武官四品以下不許乘轎 十五

均作養 十六

議復歲貢舊例 十七

條陳監規 十八

行取入監告回舉人 十九

歲首秋食糧年深內考取 二十

依親回籍監生起送肄業 二十一

公侯伯子孫入監習禮 二十二

重刊儀制 二十三

慈宮南柩 二十四

條例備考卷之二

禮部

訪求曾子子孫 一

一禮部題該學士顧鼎臣奏為崇植先賢系胄以隆

道化事竊惟堯舜禹湯文武周公之道傳至孔子而大明其德與功垂之萬世真與天地同其高厚矣孔子傳之曾子曾子傳之子思子思傳之孟子不惟心相授受且筆之於書以詔後世泄天地之精蘊揭宇宙之綱維匯六經之淵源掃百

家之蹊徑考之論語大學中庸孟子所載如一貫之旨正心脩身之學中和位育之功性善誠明之說王霸義利之辯微言妙道不一而足真所謂爲天地立心爲生民立命爲往聖繼絕學爲萬世開太平者然則曾子之功豈小補哉秦坑焚之後道學不明漢司馬遷號稱有良史才其序孔門弟子列傳但曰孔子以曾參爲通孝道故授之業作孝經而已唐韓愈切附於聖人之徒其序道統之傳直以孟子上接孔子他尚何說哉良由大學中庸二書混于載記篇中

不與論語並集學者莫知其爲道學之樞奧而討論之是以時君世主徒知推尊顏孟而忽于曾子子思自唐迄宋雖加曾子封爵而從祀猶列于十哲之後子思則杳無聞焉宋德隆盛治教休明仁宗始表章學庸二書而程顥程頤朱熹諸儒更相發明遡流窮源使天下後世曉然知正則道統授受之功曾子爲大而子思次之咸淳三年由是始封曾子爲成國公子思爲沂國公配享次於顏子躋於孟子之上而四配之位始正是萬古不易之定論也我

太祖高皇帝御極之初首 詔孔氏子孫襲封衍聖
公并世襲知縣並如前代舊制固崇儒重道之
宏規矣弘治中因修顏子孟子廟特置世襲翰
林院五經博士各一人以主祀事此

孝宗皇帝稽古右文之盛舉也夫曾子傳道之功優
於顏子而孟子私淑于曾子子思今顏孟子孫
皆世襲博士而曾子之後獨不得沾一命之榮
豈非古今之闕典也哉當時典禮守土之臣曾
無一言及此者豈以曾子子孫散在四方亦世
歷久遠譜系不明恐有冒濫之弊歟臣嘗考之

春秋之時莒人滅鄆其太子巫仕曾去邑爲氏
然則曾氏去受姓之祖甚近也後世凡曾姓者
孰非曾子之子孫乎又訪得正德年間今都御
史錢宏任山東按察司僉事巡歷至嘉祥縣謁
曾子祠墓因而訪求附近編氓中曾姓者得一
農夫于深山中貌甚朴野詢之果曾子之後也
不知錢宏當時何以不請于 朝而復使之湮
沒耶必以其人鄙陋不可廁衣冠之列故爾臣
愚以爲先王興滅繼絕崇德報功其意甚遠其
道甚廣不當因其子孫之無賢而遂已也臣自

入仕以來見三氏子孫來朝輒有感於衷耿
耿不忘幾三十年矣特此地卑人微不敢輕率
妄議爾茲者恭遇

皇上親承道學之統丕宏禮樂之化釐正孔廟祀典
一洗前代陋規重勞

聖駕臨幸國學躬行釋奠之禮真可謂功光

祖廟而範垂百王矣臣謬以章句之儒得預俎豆之
事欣榮鼓舞不能自已乃敢陳其愚見仰瀆

宸嚴夫亦數千載未備之典必有待於今日歟如蒙
乞

禮部內閣禮部擬議請自

聖裁准照弘治年間追崇顏孟二氏事例訪求曾氏
子孫相應者一人授以翰林院五經博士世世
承襲俾守曾子祠墓兼主祀事萬世斯文不勝
幸甚等因抄呈到部為照曾子親受一貫為聖
門之高弟獨聞大學得吾道之正傳垂世立教
與顏孟同功號稱述聖已並追崇然獨世嗣非
傳祠墓失守雖配聖有靈而象賢無主誠為闕
典本官欲追求其後同于二氏子孫以作賓王
家以主祀事實足以仰體

朝廷崇儒重道之盛心也但歷世久遠譜牒無傳若非精訪博求難免偽冒之弊覆奉

欽依移咨都察院轉行山東撫按官親臨嘉祥縣查訪曾氏子孫詳考歷代支系之真及正德年間曾經都御史錢宏所考農夫有無見在通拘到官督同縣學官吏師生并高年父老逐一詢問務求的系曾氏正派子孫明白先行具

奏以憑議處施行再照今去曾子之世上下千有餘年中間更歷變故子孫播越流寓豈無散而之四方者如南豐曾氏輩輩布兄弟並顯于宋

其家乘以為出自曾子之後今其嫡派子孫亦不知誰何合無仍通行天下大小衙門一體訪求務得其人具實奏

聞但不許輕易起送前來以啓夤緣爭兢之端

限立孔子牌位二

一都察院為立定程限毀擲天下邪像以求萬世定制事近該監生詹啓奏臣聞孔子得獲追崇尊敬之正自周末迄今未有盛于

陛下者也皆因

陛下真知孔子之心亦孔子運際昌期而遇

聖君之在上也且

陛下欲毀孔子邪像蓋因以木為骨以土為皮而

聖上不忍遽以土木裝為聖人褻瀆孔子者也今日

預聞見之列者悉各駭然臣且以為世之迂儒

不足與議者矣昔者孔子没子夏子游以有若

似聖人欲以所事孔子事之彊曾子曾子曰不

可當時門人以有若似孔子推之於情似亦不

忍忘孔子而曾子竟不許之何也蓋曾子以孔

子道德明著光輝潔白非有若所能彷彿者也

此曾子尊敬孔子如此今人雖未面聆孔子之

教實默傳孔子之道何存心遠殊曾子歟抑與

曾子相反而欲薄于孔子者歟紛紛時議設非

斷自宸衷孔子豈得光明正大于今日者耶

國學邪像臣師許誥已遵

明旨正議祭告毀訖竊恐在外有司官員明恃

皇上聞見不及阿從邪議視如泛常仍存原日邪形

不遵今日制度致使追尊孔子之禮竟成虛文

寧不負于

陛下者矣乞定立程限毀擲天下邪像以求萬世定

制等因奏奉

聖旨這監生所奏足見崇正在外所司官員因循不
行改正難保必無都察院便立限期通行各該撫
按官督令提學官將各府州縣土木之像遵照禮
部行頒去定式樣作速立牌盡行改正并緊關事
理着一體遵行仍將改正日期回奏敢有違慢的
着撫按官叅奏重治不饒這本還送史館增入祀
典欽此通行各處撫按官一體欽遵查照施行

分別司寺職掌三

一嘉靖十一年七月內禮部題該鴻臚寺卿王道
中等題為申舊例請

宸斷以便遵守事又該通政使陳經等題為明職掌
以正體統事奉

聖旨該部一併看了來說欽此通抄到部查得大明
會典開載通政司職掌一欵本司官職專出納
帝命通達下情關防諸司出入公文奏報四方臣民
實封建言陳情伸訴及軍情聲息災異等事又
一欵凡天下臣民實封入遞或人齎到司須于
公廳眼同開拆仔細檢看事干軍情機密調撥
軍馬及外夷來降進

貢方物急缺官員提問軍職有司官員并請

旨定奪事務即於底簿內騰寫畧節緣由當將原來實封

御前陳奏畢就于奏本後批寫旨意送該科給事中收轉該衙門抄出施行其進繳稅糧文冊勘合通關起解軍囚等項附簿明白止送該科收不須入奏又一欵凡在京大小衙門但係奏出不分公事私事并在外鎮守等項內陳情已事巡撫都御史巡按等項御史總兵副參及分守守備備倭等項武職宣慰宣撫招討等司及府州縣等衙門一應錢糧軍民刑名乞

恩認罪繳勅等項本冊俱赴本司投進又查得鴻臚寺職掌一欵凡謝

恩見辭官員人等先于本寺報名該面見辭及領

勅繳勅或賜酒飯者預先日具本題知次日早俱于午門外行禮畢本寺官仍引赴

御前叩頭又一欵凡公差及給由官吏將文冊投下明日引入又一欵凡王府并鎮守守備備倭

等官外夷宣慰宣撫招討等司進貢齋本人員天下諸司朝覲給由官員并叅繳軍職文

憑稽考公文完銷勘合及總兵等官會奏聲息

等項本冊俱赴本寺引奏又一欵凡在外總兵

等官奏報捷音本寺官引差來人于

御前宣奏又一欵凡復命朝見人員繳

勅進題本于四夷朝貢人員進番字文書俱本

寺官接至西陞授內官捧進及查得嘉靖十

一年正月該鴻臚寺卿王道中等題為朝儀事

仰惟

聖體違和暫免朝叅數日即今早臻勿藥獲遂康寧

視朝之初誠恐面見面辭人員旬日所積會于

一旦未免起數大多累動不綸音久勞

聖體合無以後凡遇免朝之日一應面見面辭官員

午門外行禮該繳

勅者本寺官員引頌進繳其復

命當引等項人員各令具本奏知庶幾

聖明視朝之初起數減少不至于過勞等因奉

聖旨是欽此臣等看得我朝分建百司以釐庶務

而于章奏之復送案牒之往來又設通政司以

總之紀其時日而考其出入名為喉舌之司以

防壅隔之弊也至于鴻臚寺之職止于整肅朝

儀傳宣

制命引領進奏人員於各衙門文案奏疏全不相
 干其各處王府及在外大小衙門差來進
 貢齋本人員及朝覲給由官吏并在京在外
 復命謝恩赴任等項人員例該面進見辭者先期赴本寺
 報名本寺即將朝見緣由具本題知次日
 皇上御朝之時本寺官次第引見其間或有繳
 勅封進圖本及外夷番字文書者俱從本寺
 官當

御前引奏接遞進呈非如通政司之實封可以開

公文必須編號也其職掌之詳載在會典條目
 甚明但近來在外官員人等多有不明司寺職
 掌徑將實封本冊赴該寺投遞該寺亦或間與
 封進相承日久因以為例非舊制也合無今後
 除在京衙門題本係有印信及官吏連名僉署
 者俱遵照舊規于左順門徑自投進外其餘
 一應職行奏本并在外衙門題奏等本俱從通
 政司投遞類封進覽其面辭面見人員應該
 繳

勅領勅投遞圖本文書者俱從該寺先期題知

臨朝引入面奏進呈不得擅將本冊收受封
進仍將前項司寺職掌通行天下王府及大
小衙門知會以便遵守再照得鴻臚寺先因
聖體違和視朝之時誠恐起數太多有勞宣命題稱
今後凡遇免朝一應面見面辭官員應該領
勅繳勅者俱于左順門領繳復
命等項人員俱從本寺具本奏知此蓋一時權宜
之策耳今遂沿以為例凡遇免朝即謂不須與
陛見徑將
勅書領繳非祖宗之制也况今精進寺會典

皇上勵精圖治視朝臨政鮮有暇日正宜延見群臣
以宣德意其領

勅在外公幹事完回還人員正宜面奉
天顏親進奏疏以通下情所據前事相應遵復照
常舉行合無今後應該面見面辭及領繳

勅復命等項人員雖遇
皇上暫時免朝仍候視朝之日於奉天門奏見庶
使中外臣工皆知尊

君之禮而於
祖宗立法防範壅隔之意益嚴矣奉

聖旨免朝日期領勅繳勅等項不係重大事情照該
寺題 准事例行其餘依擬欽此

鄉試不用京官主考_四

一嘉靖十二年十月禮部題為鄉試事查得嘉靖
六年該學士張璠題為慎科目以風勵人材事
節該奉

聖旨各鄉試係有司職務考官雖出欽命但近來教
官多不得人補偏救弊似亦相應况先年亦曾舉
行待開科之前數月各布政司呈禮部亦會舉京
官或進士或每處二員具奏馳驛前去主考監

官不許干預內簾職事禮部仍作急先行各衙門
及各提學道官知道欽此已經通行欽遵外照得
嘉靖十三年例該天下鄉試之期合行照例依
期鄉試但各省開科名為鄉試本係有司職務
實古今鄉舉里選之意近以京官主試委屬一
時補偏救弊之法可偶一行之若遂踵為常規
似又不能無弊况上科差出考官與巡按御史
每因爭較禮節競生嫌隙以致妨誤試事其試
錄文字間有艱深奇僻不堪為式有壞文體一
切事宜俱有未便其正文體一節合無查照本

部上年題

准事例申明通行移咨都察院轉行各該巡按衙門
及令各省考官務要明經取士為文必合程式
毋得崇高奇詭如有不遵候試錄

進呈到部之日摘其文疵叅究照例追奪聘幣其
監臨提調監試等官亦要與考試官同心戮力
以共成賓興重典毋或異同僭事重傷大體奉
聖旨考官只用教職京官不必差正文體依擬欽此

瑞兔免賀

嘉靖十二年三月內禮部題為瑞兔事該巡撫

應天右副都御史陳軾奏據無錫縣申據本縣
民呂大方呈稱因於莊舍讀書獲一白兔轉送
到臣隨行委官馳獻間府部公卿觀者動色
都城士庶見者改容僉謂希世之珍

聖王之瑞也臣因考之瑞應圖曰王者恩加耆老則
白兔見抱朴子曰兔壽千歲滿日則色白雀豹
古今注白漢建平年山陽得白兔目赤如朱故
歷代以來貢獻有疏歸美有頌闡揚有賦歌
詠有詩益以彰

天地之靈異表

帝王之休徵也恭惟

聖皇御極至德通玄

仁恩被民和氣育物正名定

分而道協百王親賢遠姦而

明見萬里故茲

瑞兔之應允符治化之祥前已產於蜀中今復

見於吳下素毫皎潔如玉之輝朱目晶熒如丹

之渥生逢

聖世恍在舜庭馴擾

王畿即同文囿是誠

聖壽無疆之慶太平有象之徵也昔成周之時越裳

重譯而獻白雉載在史冊古今以為美談畿輔

伊邇竒兔效珍有邁越裳之雉者臣觀物騰觀

不勝踴躍仰

天稱

賀莫罄揄揚為此謹將

白兔進

獻等因抄呈到部臣等仰惟

皇上德懋中和效臻位育

大化達於兩間

至仁

浹於九有由是協氣克塞靈物滋蕃所以白兔

白鵲白鹿之瑞接踵而至但前此四川貢至

白兔已經呈獻

太廟

世廟呈覽

兩宮

皇太后文武百官具表稱

賀今該本官進到白兔

雖產自東吳與西蜀所

獻同係希珍瑰瑋所

據一瑞再見充足以表嘉祥慶集之休茲欲仍

復舉行前典但恐事神則近于繁禮稱慶則嫌于同辭臣等雖欣躍倍常而不敢以彌文具

請臣等竊惟自古符瑞並臻皆應德而至

陛下德及太清道合無彊况將來瑞應之見日月不

絕載于史官將不勝紀臣等議得今後四方有

所貢獻凡係創見特出之瑞俱當呈獻

宗廟兩宮百官表賀以昭

皇上聖德格天之徵其係一物而再至屢至以行

獻賀者俱各欽遵昨奉

聖旨進留內苑簡遘罔人珍重飼養以祗承天既降

幽明上下之間天人感應之際禮文不瀆而歡

欣交通矣奉

聖旨鵲鹿兔已屢行獻賀之禮今後或有重至不必

復舉你部裏還通行天下果非正瑞自至者勿報

欽此

查禁致死非正命

一嘉靖十二年十二月內禮部題該濟寧州生員

王鉉奏為建言事內開清淹禁乞

勅刑部通行每年選差能幹官員前往各布政司查

勤事例曾否屈死有無備開造冊類奏如有違例死非正命請

旨定奪量其死者多寡定以貪官輕重刑罪庶使人人得生貪官不能玩法而刑不濫矣覆奉

欽依行各處撫按查禁施行

鄉賢名宦

一嘉靖十三年八月內禮部題該巡按直隸御史

鄭坤奏為廟災建言事條陳內開天地神

祇歷代帝王道統師儒

陛下精誠純教設主立廟物無弗備義無不周

三代之主無以過矣至于仕于其地而有政蹟

惠澤及于民者謂之名宦生于其地而有德業

學行傳于世者謂之鄉賢

陛下固令有司立有祠宇春秋祭祀矣然或徇情去

取而賢否或至于倒置叅酌弗公而淑慝或混

於無別遂使忠魂義魄尚耻于降灌同列正氣

聰明不甘與草木同腐未免物不得平氣乖致

異伏望

陛下勅下該部即行天下掌印官會同儒學師生各

查本處應祀名宦鄉賢俱遵照

大明一統志所載逐一從公會議明白備將職位姓名及履歷行實各相講明務使事有考據衆無私議然後方許入祠見有祠者時加修葺原無祠者即便修蓋以及梵宇瑤宮等項先年奉旨拆毀淫祠事例已將私剏及不係應祀之神俱已拆毀矣今後仍嚴禁有司不得假以拆毀之例肆爲漁獵之場或利木石而尅落修理之價或改爲書院而申動帑藏之積名則爲

國家毀淫祠實則爲貪官開騙局監司昏闇准其申請爲其所賣而莫知生徒其爲俊秀者苦其虛拘被其騷擾而不敢言合行各省巡按通令各屬奉例之後拆毀者若干改造者若干要見有無尅落官銀徑自叅治以後免其拆毀俯順愚民之心庶神不濫祀人不偷薄詩云神之聽之終和且平是之謂歟故曰崇祀等因抄呈到部議得名宦鄉賢之祀乃

國家崇德報功盛典比來愛憎任情臧否失據名實不副激勸無聞今本官所奏具見敦本尚實相應依擬覆奉

欽依通行各該撫按衙門行令提學官着落府州縣

掌印正官及儒學師生備查各處名宦鄉賢果有遺愛在人鄉評有據未經表彰即便及時興立祠祀以勵風化若祠宇傾頽及未經立祠地方亦合查給無礙官錢擇地修蓋其或惠政殊常遺思不泯出于民心追戴願專立祠以申崇報者有司官員亦當代與申請聽其建立中間如有匪人濫預有干清議者亦要從公釐正文體務實

一嘉靖十三年八月內禮部題該巡按直隸監察御史鄭坤奏為

六 奏建言事條陳內開我

太祖之時氣象朴實人心醇厚當時以法度明信人命簡肅財力克裕士馬精強風俗樸茂學術醇正論平易文辭渾厚職業修舉天下之事無一不趨于實及其久矣文焉而已明信者或至于弛玩簡肅者或至于煩飾克裕者或至于匱乏精強者或至于耗備樸茂者或至于偷薄醇正者或至于邪僻平易者或至于奇恠渾厚少而多澆漓聲譽廣而怠職事此其勢之所必至然文既太盛恐象龍不可療饑伏望

陛下立法制度昭如日月而信如四時出令申命迅如雷電而疾于風行士飽而嬉馬騰于槽太櫟未鑿而奢侈痛革太美未和而醇美旁行申明敬一之學崇尚古雅之體洗靡麗之氣而嚴怠緩之禁一誠立而百偽清百官自無不正百姓自無不安易曰天下雷行物與無妄是之謂矣故曰務實等因抄呈到部議得

國初之時人心敦實學術醇正文辭渾厚事業光明近年以來人心不古學術邪僻故政務乖張而功業不逮前輩今本官舉以為言具具崇實學查得先該本部題為科舉事內一件變文體以正士習竊惟

國家建學校聯師儒以教養天下之學者既乃設科目較文藝以網羅天下之成材自

祖宗以來百六十年于茲造士求才之法可謂盡善極美是以學術日正文運日通開至于成化弘治年間科舉之文號稱極盛凡會試及兩京鄉試所刻文字深醇典正蔚然炳然誠所謂治世之文近年以來士大夫學為文章日趨卑陋欲乞申明釐正等因具題節奉

聖旨是文運有關國運所係不細近來士子經義詭
異艱深大壞文體誠為害治恁部裏便出榜曉諭
今次會試文卷務要醇正典雅明白通暢的方許
中試如有似前鈎棘奇僻痛加黜落甚則令主考
官指名具奏處治欽此已經通行欽遵訖今該前
因相應依擬覆奉

欽依仍行各該提調提學官遵照本部先今題
准事理一體查照施行

宗室爭襲妄奏九

一嘉靖十四年四月內禮部題該

襄府陽山王鎮國將軍祐檣奏為懇乞

睿覽正名分除奸逆伸冤枉新

國法振綱常以安宗室事奏稱臣祖襄定王選到

周盛祥長女周氏與父陽山王為妃止生二女

無出臣父恐絕後嗣欲娶嫡妹周氏三圖子以

傳祭祀奏奉

欽依聘娶親迎完婚訖弘治十六年母周氏三生臣

一人正德十一年二月初六日臣父疾逝北臣

年幼內外輔導官員不遵臣父奏奉勘合娶母

生臣繼嗣根因却乃授受祐褐祐棧母官婢嚴

氏銀等物暗用祐褐名字撥置襄王承奏侍
叨撓越父爵今祐褐疾逝乞要辯正名分承襲
父爵等因本部議照先年

襄府陽山恭和王病故之時原無嫡出之子止有
庶長子祐枕已卒庶第二子祐褐係從侍爵殿氏
生第三子祐梭係從侍錢氏生庶第四子祐攬
係妾周氏三生已該本部查照

親郡王無嫡子者其庶子者止該以長子承襲事
例將庶第二子祐褐題奉

武宗皇帝欽依准襲封陽山王外今參照鎮國將軍

事已元人役嚴行禁革不許久在京師地方歇
家毋得容隱如違本部體訪得出從重參究治
罪仍聽緝事衙門指實一併訪拿如此庶法例
明而

國典不致虛冒矣

宗室奏訴十九

一嘉靖二十六年六月內禮部題該 鄭王厚烷
奏為議處 宗室奏訴事宜以盡下情以廣
聖恩事據長史司啓稱近該禮科都給事中李綸等
題切惟

國家之制 宗室不許出城凡有應奏事情皆啓
親王代奏其有不遵

典訓越關赴京者又經節有明例或送發高墻或降
為庶人或罰任祿米仍將所奏事情立案不行
夫何數月以來赴京陳乞者接踵而至即其違
例赴懇事體固多難從然未經審勘可否未分
一槩立案恐終無以厭服其心也仍乞

令該部參詳所奏事情如有可行及曾具啓
親王赴告巡按御史屢遭阻抑不與代奏者不惟
不罪而且准其所奏并將輔導官員巡按御史

置并齊本的都着巡按御史從重問擬來說欽此

解額取十

一嘉靖十四年八月內禮部題該巡按貴州監察
御史王杏等題據貴州宣慰司貴前二衛致仕
官孟震等呈仰惟我

朝取士開科惟貴州附搭雲南兩省隔越山箐險
阻赴試之時溽暑瘴癘正甚往者隱處居者積
慮構病遭劫亡財喪身歷歷可數伏望采擇奏
聞一體設科拯救士子無限之苦等因抄呈到部為

照我

朝設科取士內而兩京外而浙江等布政司每三年一舉其解額之衆多視人材爲差等先年以廣西貴州人材缺少故將廣西附搭廣東貴州附搭雲南後廣西因人材漸多奏

准另自開科惟貴州仍附搭雲南鄉試節該彼處撫按等官具題止量增額數近年該給事中田秋建議本部以未經查勘有礙擬

請又恐人材未充地方不便支費不貲行令咨議去後今該巡按御史王杏備細勘報前來臣等看得貴州雖與雲南接壤而山勢險絕道里遐陬

盜賊出沒無常秋夏風瘴盛發以致每科應試生員跋涉衝冒多所殞傷其於人情委爲未便况今文教漸洽遐方絕域人材日盛每科應試之士數踰七百中試錄文五經俱備及舉進士科不乏人近年被翰林臺諫之選者往往文章風節與中原江南才俊齊驅但貴州地里視雲南稍狹故學校之數差少今于應試七百人之中取原定解額二十一人則貴州一省自可成錄况貴州雖附雲南而科舉坊牌之費該省自辦鹿鳴之宴該省自舉所議增者止建立貢院

并三場供給試官聘禮耳今既查有省城南隅空閑分司堪立貢院估計用銀二千八百餘兩而在庫堪動官銀實有三千一百之數及增聘禮供給等費亦不過五百餘兩則財力未為不敷况係

聖朝興文盛典事理可行所據本官勘報事情相應准議合無行令彼處撫按官會同都布按三司即便動支前項無礙官銀于議定舊址建立科場依期開設鄉試以備一省賓興之制但不許因而大肆科擾於民其原定鄉試解額雲南三十四名貴州二十一名今二省人材比昔倍盛伏乞

聖裁每省均賜加增三五名充足以昭一代文明之盛奉

聖旨是雲南鄉試解額准取四十名貴州二十五名

添設衛學

一嘉靖十四年八月禮部題該巡按山東監察御史常時平奏竊照遼東地方每城各設學校以養育人材而廣寧右屯衛獨無克生員者不下四十餘人俱寄廣寧鎮城并議州衛學相隔一

百三十餘里中間道路跋涉不惟一暴十寒抑且供送艱難又多半途而廢恭惟

聖神作新文風丕振雖以遼東邊地而人材漸盛去年秋順天府鄉試遼東各衛中試者九人右屯中韓文德一人此其明徵也合無于廣寧右屯衛比照海蓋等衛一體建立儒學抄呈到部看得御史常時平奏稱廣寧右屯衛乞要建學設官將寄學生員武生掣回本學肄業查得先該張都御史具奏乞要設立儒學該本部議得人材尚少待後漸多之日具奏定奪今既經本官

巡歷彼處目見人材視昔加陪堪以建立似亦相應合無移咨都察院轉行彼處巡撫衙門行衛動支無礙官錢建立學校文廟并撥僉吏典齋膳夫役仍移咨吏部銓選教官給憑令其到任訓誨生徒奉

聖旨廣寧右屯衛准添設儒學欽此

林詭異巾服

十二

一嘉靖十四年四月內禮部題該提學御史竇一桂題爲禁革詭異冠服以昭

聖製以齊風俗事奏稱詭異巾服自嘉靖七年三月

二十七日

特勅禮部分別以其圖說頒布天下嚴禁異服天下
 之人風俗丕變無敢為詭異冠服者夫何邇來
 有犯禁諭私相慕效製東坡巾着雲鞋及各色
 異樣巾服者其中或有紵絲羅絹甚至以氈為
 之不惟舉人監生生員儒士凡市井屠販一切
 庸賤之徒間亦戴之此正所謂詭異之服也今
 見
 輦轂之下縱橫衢路漫無畏忌在京如此在外可
 知矣乞

勅都察院嚴行禁革等因題奉

聖旨這本說的是比年冠服詭異已有旨禁革生儒
 人等乃敢違禁制用好生不畏法度都察院便出
 榜曉諭但有巾服異樣并製賣的着緝事衙門及
 五城兵馬即時拏送法司問罪仍通行南京都察
 院及各處巡按御史一體嚴加禁約該衙門知道
 欽此

官員服色 十三

一嘉靖十六年三月內禮部題為欽遵
 聖訓慎法制以嚴禁僭肆事該本部欽奉

聖旨欽遵議得在京在外文武官員除本等品級服色及

特賜者外不許僭分自恣擅用蟒衣飛魚斗牛等項

違禁華異服色及大紅紵絲紗羅服惟四品以

上及在京九卿翰林院詹事府春坊司經局

尚寶司光祿寺鴻臚寺五品堂官及經筵不係

講官者俱穿青綠錦繡遇有吉禮止許穿紅布

絨褐其品官花樣仍照品級公侯附馬伯麒麟

白澤文官一品仙鶴二品錦鷄三品孔雀四品

雲鴈五品白鸞六品鷺鷥七品鷓鴣八品黃鸝

九品鷓鴣雜職練鵲風憲獬豸武官一品二品

獅子三品四品虎豹五品熊羆六品七品彪八

品犀牛九品海馬不許混同錦衣衛指揮侍

衛者得穿麒麟服色其餘帶俸及不係侍衛

俱不許僭用其軍民人等除官應用之家許令

織造其私下與不應用之物不許製造及擅用

違禁華異服色若有仍前僭用者在京聽科道

及緝事衙門在外聽巡按等官照依律例參究

題奉

聖旨依擬便出榜文嚴加禁約欽此

糾道學邪僻

一嘉靖十六年四月內吏部等衙門題該巡按直隸御史游居敬題爲戒飭陽倡道學陰懷邪僻大臣以端士習以光

聖化事臣竊惟綱紀萬世者道之功也扶持斯道者君師之力也道之在天下如元氣之流行兩間其明其晦固因乎人而其根諸心蓋自不容間斷也是故堯舜禹湯文武周公孔子相傳之統其揆一也由孔子而後曾子子思繼其微至孟子而始著由孟子而後周程張子繼其絕至朱子而

始著此先儒之確論今

皇上法天立極揭敬一之箴垂五箴之註真有以繼前聖之道統

皇極昭彰會歸攸同有志自立者孰不奮揚興起仰法但臣竊見邇年以來迂儒乖士率多倡爲新說別門戶以誤後學而世之學者亦多厭常喜新沽名趨異從而和之雖其中似多俊傑之士然汗濫之徒助成備說信以爲是遂至雷同標榜蕩然成風慕虛名而壞實行背先訓而售空談原其始將以獵譽究其終竟迷不返臣耳聞

目擊深切憂之以為

聖明之世不宜有此臣見其倡之者則南京吏部尚書湛若水是也臣請冒昧為

皇上陳之臣見若水之學蓋與先尚書王守仁並立爭長以鳴乎世王守仁之說則以良知為主若水之說則以隨處體認天理為主守仁之言良知蓋祖宋儒陸九淵尊德性之說謂之用一良知便了更不須說行此其詞之偏姑未暇論若水之言體認天理則又暗宗守仁之說變其詞以召喜名之士其實乃私附之也然守仁嘗因

宸濠之變極力支撐以靖大難雖當時亦有他議而其謀國之忠濟變之力是不可泯若水者則一迂腐之儒其才不足以達權濟變僅可以居翰墨供文詞其或庶幾使之當大任則覆餗之憂負乘之外皆所難追臣見若水以其所為二禮經傳進于

朝廷其意蓋隱然自任以繼往之學也既而禮部覆題奉

聖旨既與孔子之言相戾不可傳示後學罷欽此臣竊仰窺

皇上離照之明以察其邪僻之說而建中正之極也然臣愚常聞非聖者無法今若水敢于非孔子之言其罪大矣恐一不治之以法而容之焉此莫大之赦也為若水者一聞聖言宜痛自懲艾翻然改悟庶幾不至大戾却乃私自刊布若擬以春秋誅心之法若水將為不忠之大者乎伏望洞察若水備談之學濫鄙邪詭之術俯賜罷歸或賜之以禮致仕以示懲創等因隨該南京吏部尚書湛若水謹奏為乞恩放歸田里以終餘年以完臣節事臣等會同看得

御史游居敬劾稱尚書湛若水偏詖之學濫鄙邪詐之行欲得俯賜罷歸或以禮致仕仍禁約兵部尚書王守仁及若水所私著之書一併毀改門人所創書院戒治在學生徒遠出從遊一節除王守仁已經奉有禁約難以別議外為照尚書湛若水始自家食及官詞林素常潛心理學希籍古人迄今猶老而不倦究其學術操行未可盡非但自任南京國子監祭酒以來一時生徒多從講授間有冒竊之輩近于附和標榜以致御史游居敬有此論別是蓋生徒之誤

若水若以是而深咎若水之罪似未免于責備
之過也緣本官心行臧否莫逃

聖明洞察之下近以考滿到京該吏部查奏本官年
及七十以上例不引復奉有

明旨着復職又近本官奏乞休職致奉有

聖旨不准乞休去留進退出自

宸斷臣等別難議擬再照本官所著書論中間窺測
古人章旨容有意見不同措詞未當但原非詆
毀之說況于經傳亦有發明無足過怪惟是門
人翊爲讀書房舍扁稱書院寔于典制有乖相

應議處合無移咨都察院轉行南北直隸提學
御史及各處提學官卽查奏內所稱地方書院
名額若果得實不拘在城在鄉俱行改正扁爲
地方社學仍省諭各學生徒專崇書史傳註講
學正道不許仍前附和則人有定守士習端而
風化正矣奉

聖旨湛若水已有旨了書院私自初建本當治罪且
都不究着有司卽便改毀以後但有私初的巡按
御史指實叅奏近來陽倡道學陰懷邪僻之人照
前旨通行嚴加禁約不許踵襲以壞士習欽此

文武官四品以下不許乘轎

十五

一禮部題為戒飭武臣以壯軍威事該給事中黎

良題稱伏覩

孝宗皇帝欽准條例內一欵在京堂上文職四品以下及五府管事在京在外鎮守守備等項公侯伯都督等官不分老少俱不許乘轎違者叅問其餘軍職若上馬拏交床出入擡小轎者先將服役之人問罪指揮以下叅問京衛調外衛外衛調邊衛俱帶俸差操欽此近見在京公侯等官乘轎者多亦不知何所據依而倡為此風也臣又疑英

公張懋在

先朝亦常乘轎蓋聞

先朝任其才而優其老亦人惟求舊杖於鄉杖于國之意耳乃出于一時之

特恩要不可援以為例也夫何近年以來無分老少不辨公侯厭馬弗乘乘轎相競其罪有不可追焉者伏望

陛下俯賜綸音責令乘轎公侯伯等官從實具奏回話務見

朝廷曾否錫予法制有無違礙如果故違

憲章擅作威福各加法制其有隱情不行具奏認

罪者許科道官備訪指名劾奏仍

勅禮部再行申明舊例以後公侯伯等官如有仍前

違

制乘轎者見任者革去管事帶俸者量減俸米各未

不推用等因題奉

聖旨這本說的是今後爾京五府及在外鎮守守備
等項公侯伯都督等官皇親附馬在京四品以下
文職在外除巡撫都御史其都布按三司以下官
員俱不許乘轎兵部尚書下營之日也只許乘馬

其餘軍職不許上馬拏交床出入乘小轎但有違
的在內聽科道在外聽巡按御史糾劾從重罰治
應叅問降調的照例行該衙門知道欽此

均作養十六

一嘉靖十四年十一月內禮部題該南京國子監
祭酒費案奏為申飭太學事宜以宣文教事照
得近年遵奉

詔旨精選歲貢生員到監作養以備不次擢用立賢
無方人知感奮緣各生多是妙年英俊而京闈
取中有限其在歷期滿日各衙門既嚴勒還鄉

原籍提學又不肯多取監生應試是諸生歷滿之後無復科第之望矣以故在監率多託病遷延甚至私自逃回不顧虛曠雖經決罰猶循故常如蒙

俯念許令歷滿還鄉之後凡遇鄉試在畿輔者畿輔巡按御史收考應試在各省者各省巡按御史收考應試庶使人有定志不擾監規再照官恩納銀生員中間空踈荒謬者固多亦間有經生宿學久困鄉校未友善士以廣見聞抑或初雖失學後經琢磨亦知奮勵故納銀生員中如見

任吏部侍郎羅玘發解之後徃徃踵武相繼而官恩生員中間亦多發身賢科不可謂盡無人也但官司多以富賄而啓嫌疑又以儒雅而槩輕忽較之選貢生監催抑尤甚以致遷延規避滋紊條約如蒙亦賜歷滿鄉試之年隨處巡按御史收考精選入場則不惟監規可齊而

國家作人之方益廣矣等因具題該本部議得各處歷滿還鄉監生官恩生并納銀生員其間豈無豪傑之才若遇鄉試之年不令入試未免有遺賢之嘆今祭酒費宋具奏前因相應依擬覆

奉

欽依移咨都察院通行南北直隸并浙江等布政司
 如遇鄉試之年將歷滿在家監生官恩生并納
 銀生員許彼處提學官按歷地方與在學生員
 一槩嚴加精選如果文理平通錄取入試不許
 聽受囑託將文理疵謬不堪者一槩濫送

議復歲貢舊例 十七

一嘉靖十五年三月內禮部題查得本部格眼文
 簿自嘉靖十一年起至十四年止缺貢地方南
 直隸三十七處北直隸一百二十處浙江三十

五處江西二十二處湖廣一百八十六處福建
 二十處廣東六十九處廣西一百二十四處山
 東七十六處山西九十三處陝西一百二十六
 處河南五十一處四川一百七十處雲南四十
 三處貴州二十一處通共一千一百九十三處
 俱係未經起貢臣等看得科貢二途係

祖宗舊制除三年一次開科鄉試外其歲貢之制每
 府學一年起貢一人州學三年二人縣學二年
 一人俱令提學官于各學食糧年深生員內徑
 自考送如正貢不堪將以次陪貢者考充一應

條禁俱載提學官

勅內凡布按二司及巡按御史不許侵越提督官職事其提學官必文行優長者方得選授若貢非其人廷試不中者發回原學肄業次年再試不中者照例克吏提調官教官罰治具招回部

祖宗立法之意可謂盡善矣近年以來奏行新例令提學官會同巡按御史并二司官不論食糧深淺通行考取至將新進年少附學生員超補起貢廷考不中數及五名提學官降一級別用由是提學官畏忌太甚考較過嚴輒敢違背成憲

將各府州縣學子該貢年分竟不起貢况考選名雖會同權實歸于御史及至廷考不中却又獨罪提學官則事理不通人心未協其於先年設官專督學校初議又大謬矣臣等目擊時弊不敢因循默默伏乞

勅下查覆累朝學校起貢舊例行各處提學官今後考試生員止許于食糧年深內起送二人考選如正貢不堪方將以次陪貢者考克不必會同巡按御史并二司官員庶免牽制方可委任責成不許槩學通考以啓貢緣倖進之門其赴京

廷試不中准令回學肄業次年再試不中者照例克更止將提調官教官仍舊罰治提學不必降級其一應提督學校事宜俱遵照

祖宗成憲并見奉

勅書行事仍通行南北直隸及浙江等十三布政司提學官備將嘉靖十一年後未曾起貢地方依例考補起貢前來廢事體歸一便于遵守學校不致于廢弛而人材各得其所矣題奉聖旨是都只照舊例行便行與各處提學官着以食糧次第起貢欽此

條陳監規 十八

一嘉靖十五年三月內禮部題該國子監祭酒呂柟題稱臣等伏覩

聖王以堯舜之人興禮樂之治謂太學乃賢士所關風化基本誤甄薄劣謬膺斯教臣等內省恐懼圖報靡稱將應舉監規五事上陳

聖覽乞

勅該部施行等因本部看得祭酒呂柟題稱申明監規足見本官留心職業成就人材之意臣等謹開立前件依擬 上請伏乞

聖裁題奉

聖旨准議納銀例貢巡監三月以外發回原學肄業

欽此

行取入監告回舉人 十九

一禮部題該祭酒呂柟奏稱舉人在監本以觀尚
皇極薰陶群士今查實數以天下之廣止二三十人
蓋自會試之後或入監未久或就于禮部支稱
他故奔回原籍有志者固不廢學餘多交際郡
邑業治門產及試期方攢監簿乃計水程覲圖
撥歷未仕如此居官可知乞

勅該部將已未入監告回舉人移文各省定限行取
坐監違限半年者准在監作曠三月計月加曠
若違至年半通未入監免其考試庶幾士類知
儆向學者衆本部議得舉人會試下第之後多
有稱病回籍又有到監數月告回依親搬取等
項以致坐監缺人數多此實近來士習之弊相
應議處覆奉

欽依通行南北直隸并各省布政司將原在部在監
告病并依親搬取畢姻等項舉人俱以文書到
日為始限三箇月內起送前來發監肄業如有

禮部
違限半年者准在監作曠三月計月作曠若延
至年半并通未入監會試臨期方至者定行送
問查勘明白方准入試

歲貢於食糧年深內考取

二十

一禮部題該祭酒呂柟奏稱歲貢入監即古鄉舉
里選六德六行六藝之士也古稱四十道明德
立近見歲貢中有二十上下者其德行焉考甚
至禮讓未聞遇事興爭煽及例貢勢利相加奔
趨爲能殊壞士風是雖臣等無教亦緣各提學
官嚴選貢之例慮有退貢懼貶已位故惟取詞

章不論行檢遂使邊衛下邑質撲淪墜不獲一
貢乞

勅該部轉行提學當歲貢之期還于食糧年深三二
名內考取隨地方都鄙高下人才多寡列爲上
中二等使遐荒亦有文物昭

聖上一視無外之心然其校文只准聖賢遺書理明
辭達不專富麗若有踵襲兩晉六朝人語奇怪
難讀者俱從黜落仍必遵

祖宗卧碑監規叅取等因本部議得

祖宗歲貢舊制令提學官于各學食糧年深生員內

考貢一人如果不堪方將以次陪貢者考克所以多得老成之士近年新例不論食糧者深淺通學考取將年少小生員克貢是以在監則未聞禮讓爭趨勢利授職則不堪為人師長况才性可以發科登第者亦往往苟趨目前自棄遠大考其學業又不過崇飾浮詭無經明行脩之實查得本部累次具題及近日奉有

明旨着以食糧次第起貢已經通行外合再申明覆奉

欽依今後在學生員年老無進益者照例給與衣巾終身如果平素姦頑把持學校挾制官府勾擾公事凡一切行止有虧者令提學于歲貢之時嚴加查訪黜退不許食糧冒貢

依親回籍監生起送肄業 二十一

一禮部題該祭酒呂柟奏稱納銀例貢在監者固有監規教條日就月將近奉

欽依聽其依親原籍亦得與考科舉此固可待志士矣惟他無志者一旦還里挾富豪之勢恃監生之名抗揖守令肆行鄉間或兼服商賈不復知所嚮往他日有官殃民不淺見今查有投文到

監未及旬日即逃回籍數人乞

勅該部將依親例貢行各提學官歲貢之時隨本學生員量行試驗畧用賞罰仍令轉行各府州縣正官月一查其行業類報庶幾知進亦肯復守監規其逃監及稱患病給假三箇月外者許臣等查報該部處治等因本部議得納銀生員假以援例入監已是國學人數今依親回籍者與同本處生員一體考試量行賞罰似非事體勢亦難行但稱逃監等項相應查處覆奉欽依行令南北直隸并各省布政司凡依親給假在

家例貢生員限三箇月以裏起送前來發監肄業如有過違者照例送問其私自逃監者許該監查報本部轉行法司提問照依律例問罪

公侯伯子孫入監習禮

二十二

一禮部題該祭酒呂柟奏稱公侯伯子孫已未襲爵未管事官例該在監習禮讀書支饌米以養蓋有文事斯有武備也舊規每日在監其後偶從寬簡定以三八日期近臣等到監有三二人依期受書習禮者餘多不至蓋此輩憑父兄之勢倚閹閱之家惟耽驕惰不脩禮讓平居如此

一且管事豈知練撫軍士之道乞

勅該部轉行各爵戒飭子孫使之敬業樂學以求保

祿位與國咸休有違例久曠者許臣等指名

叅劾等因本部議得公侯伯子孫已未襲爵未

管事并附馬年二十五以下者俱照例送監讀

書近來委多廢失舊規相應申明戒飭覆奉

欽依備行兩京五軍都督府轉行各爵除附馬都尉

謝詔該本部題

准劄付主事教習外其餘例該送監者俱要遵照舊

規送監讀書習禮不許挾貴遺教庶學業有成

文武並濟他日可備

朝廷任使而勛名閱閱為益隆矣

重刊儀制二十三

一禮部題該祭酒呂柟奏稱士必知古斯可通今

儀禮一書乃成周致太平之具者也世行高堂

隆所傳十七篇者宋儒楊復又為圖解皆可習

行近臣等選諸生按圖學步自冠射鄉燕至士

相見諸儀使其閑乎進退周旋之節養其中正

和平之氣惜此書稀少靡所取據而禮樂諸器

舊多未完甚至六館卓案亦皆不具乞

勅該部重刊儀禮印裝一二百部并造前項禮樂諸
器卓案等事以便諸生游業足準大雅鼓鍾辟
雍周禮德音樂語之意其諸生不能聲律者乞
勅太常寺遣知樂官道數人傳喻諸生節奏音響等
因本部議得古人之學固不外乎禮樂而禮樂
之用不專在于器數文爲今祭酒呂柟欲備禮
書樂器使諸生咸習其事具見本官尚古好禮
之意相應議處覆奉

欽依行令該監將儀禮一書精加校正刊刻印行本
部仍移咨工部照數給與工食紙價併將該監
原有禮樂諸器及卓案等件果有損壞不備通
行查明補造發監備用所奏乞

勅太常寺遣知樂官道數人傳喻諸生節奏音響緣
太常寺官生俱係供祀

郊廟人員難以遣撥宜令諸生自行講求習學

慈宮南柎 二十四

一嘉靖十八年五月內禮部題爲喪禮事本年四
月二十八日欽奉

聖諭 南巡因謁 陵寢及視大峪已畢然峪地空
淒豈如純山完美決用前議奉 慈駕南柎引

發吉辰別候欽此續于五月初二日節奉

聖諭恭奉 慈宮引 發吉日用今月十七日子時

奠獻使等官仍用原定官員一應禮儀亦且用原定者如有增損臨期酌擬但改水程奉

梓宮行欽此 臣等謹將 慈宮引發

二聖合葬禮儀查照原定節次量加增損逐一再行

開坐上

請伏乞

聖明裁奪等因奉

聖旨餘都依擬欽此

計開

一欽定本年五月十七日子時引發

梓宮自通州登舟直抵承天俱水程

一 張家灣祭 潞河之神天津祭 海口之神安

平鎮祭 龍王之神徐州呂梁二處祭 洪神

淮河口祭淮瀆之神儀真南京祭大江之神彭

澤祭 小孤山之神九江漢江所過大川俱用

牲禮致祭俱勳臣俱青服行禮其各應祀 水

府之神開載未備者臨時增酌致祭

一經過有 王府去處許 王素服出 迎致祭

該府官預陳設祭物于水次 席殿內贊唱就

位贊鞠躬贊四拜興詣香案前跪上香畢復位

跪奠帛初獻爵讀祭文亞獻終獻畢俯伏舉哀

十五聲而止贊四拜興平身焚帛禮畢

一王府附近去處遣輔導官致祭先于 席殿陳

設祭物候

梓宮至執事官贊四拜興贊上香畢復位跪奠帛三

獻爵讀祭文俯伏舉哀哀止興四拜興平身焚

祝帛禮畢

信關京守備文武衙門各處鎮巡三司官

梓宮舟經及附近處所俱致祭舉哀與 王府遣

儀同有司所轄大小官員通許陪拜

一致祭物品簇盤一座 豕一 羊一 果五盤

點心五盤 飽燂五盤 餅五盤 案酒五樣

菜五盤 粉湯五盃 飯五盃 帛一段

酒三爵 香紙燭


一至承天百官俱縵服奉迎

梓宮舟岸少住舉哀前後八拜禮師生耆民人等隨

班行禮

一行安 神禮撫按等官陪拜鴻臚寺傳贊行禮

同



條例備考禮部卷之二終

